



*Entidade Local Menor
de Bembridge*

**ACTA DA SESIÓN EXTRAORDINARIA DA XUNTA VECIÑAL NÚM. 3/2022, DO
DÍA 7 DE ABRIL DE 2022**

Na sede da Entidade Local Menor de Bembridge, sendo ás vinte horas e trece minutos do xoves día 7 de abril de 2022, previa convocatoria de sesión extraordinaria realizada pola Alcaldía accidental mediante Resolución de 4 do mesmo mes, reúnese a Xunta Veciñal, baixo a Presidencia da Alcaldesa Pedánea accidental, D^a. Patricia Otero Carrera (que substitúe ao titular por enfermidade, en virtude de decreto do 03.03.2022), asistindo os seguintes vocais:

D. José González Domínguez PSdeG – PSOE
D^a. Antía González Fernández PSdeG – PSOE
D. Manuel Costas Costas PSdeG – PSOE

Non asiste o Alcalde Pedáneo, D. Marcos Castro González, ao atoparse en situación de baixa por incapacidade laboral temporal.

Asiste á sesión, en calidade de secretaria da Corporación, Patricia Alvarellos Leis.

O obxecto da sesión é o tratamento e resolución dos seguintes puntos da

ORDE DO DÍA

I. PARTE RESOLUTIVA:

- 1. Acta anterior:**
 - Núm. 2/2022, do 24 de febreiro de 2022.
- 2. Aprobación, se procede, do Expediente de Recoñecemento Extraxudicial de Créditos nº 3/2022 por importe total de 2.782,92 €**
- 3. Proposta da Alcaldía-Pedanía de levantamento do reparo suspensivo para o pago de xuros por importe de 105.700,01 € en virtude do Decreto do 09.02.2022 do Xulgado Contencioso-Admvo 2 de Vigo na Execución definitiva 02/2022 no P.O. 256/2019, promovido por “EXCAVACIONES Y CONSTRUCCIONES MANUEL PÉREZ PORTELA, S.L.” (Sentenza do 22.03.2021 do TSXG contra sentenza 155/20 de 05.10.2020 do Xulgado Contencioso-Admvo. 2 de Vigo), expte 6/2019**
- 4. Proposta da Alcaldía-Pedanía de levantamento de reparo suspensivo para o pago de xuros e indemnización por costes de cobro por importe de 2.078,94 € en virtude do Decreto do 11.02.2022 do Xulgado Contencioso-Admvo 1 de Vigo na Execución definitiva 36/2019 no P.O. 209/2019, promovido por “ACELEC INSTALACIONES ELÉCTRICAS, S.L.” expte 59/2019**



*Entidade Local Menor
de Bembridge*

Ábrese a sesión pola Sra. Alcaldesa Pedánea accidental á hora arriba indicada, indicando que non foi posible a convocatoria e celebración da sesión ordinaria do mes de marzo debido a que a secretaria interventora se atopaba disfrutando das vacacións regulamentarias correspondentes ao ano 2021.

Acto seguido, procédese ao tratamento dos puntos da ORDE DO DÍA:

1. Acta anterior:

- Núm. 2/2022, do 24 de febreiro de 2022.

Sometida á consideración da Xunta Veciñal o borrador da acta da sesión citada, distribuída coa convocatoria desta sesión, e ao non producirse intervencións, declárase aprobada por unanimidade dos asistentes.

2. Aprobación, se procede, do Expediente de Recoñecemento Extraxudicial de Créditos nº 3/2022 por importe total de 2.782,92 €

Dase conta do informe - proposta do Sr. Alcalde-Pedáneo de 04.04.2022 co seguinte contido:

“En relación co expediente de aprobación do recoñecemento extraxudicial de créditos núm. 3/2022, emito a seguinte proposta, con base aos seguintes,
ANTECEDENTES DE FEITO

PRIMEIRO. - Examinada a relación de xustificantes de gasto núm. 2022 5 que se recolle no listado que se adxunta, comprobouse que corresponde a obras, servizos e subministros realizados correctamente no exercicio anterior, polo que procedería o recoñecemento da obrigaón económica dela derivada, así como o seu posterior pagamento en cumprimento do principio do non enriquecemento inxusto, tal e como se indica na memoria emitida pola Alcaldesa-Pedánea accidental o 01.04.2022.

As anteditas facturas non foron aprobadas nin imputadas ao orzamento do ano no que se executou o gasto por carecer de consignación orzamentaria e, noutros casos, porque foron presentadas no rexistro xeral desta Entidade Local a finais do devandito ano ou no presente exercicio (Ex.: Xustificante de gasto núm. 2022 66-90), o que imposibilitou a súa imputación no exercicio de execución do gasto (2021) por imposibilidade material de completar a súa tramitación.



Entidade Local Menor de Bembrive

Posto que se trata de bens subministrados e servizos prestados no exercicio anterior, consonte a normativa reguladora das facendas locais o mecanismo axeitado para a súa aprobación e pagamento é a inclusión nun expediente de recoñecemento extraxudicial de créditos por conta das aplicacións orzamentarias do ano 2022.

SEGUNDO. – Que mediante providencia de Alcaldía-Pedanía de 01.04.2022 viuse a necesidade de aprobar un expediente de recoñecemento extraxudicial de créditos.

TERCEIRO. – Que con data 4 de Abril de 2022 emitíuse informe por parte da secretaria-interventora, que obra no expediente.

LEXISLACIÓN APLICABLE

- Artigos 163, 169.3, 173.5, 176 a 179 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL).
- Artigos 25.1, 26.1, 60.2 do Real Decreto 500/1990, do 20 de abril, que desenvolve o Capítulo primeiro do Título sexto da Lei 39/1988, do 28 de decembro, Reguladora das Facendas Locais (TRLRFL).

Por isto, visto o informe da secretaria-interventora incorporado no expediente, dispoño que pase o presente expediente para o seu debate e aprobación na vindeira sesión ordinaria da Xunta Veciñal que se celebre, coa seguinte:

PROPOSTA DE ACORDO

PRIMEIRO. - Tomar conta das observacións feitas pola secretaria-interventora no seu informe de data 4 de Abril de 2022, que consta incorporado ao expediente, e levantar o reparo suspensivo correspondente, motivado por carecer de consignación presupostaria e por prescindir total e absolutamente do procedemento que esixe a LCSP 9/2017.

SEGUNDO. – Esta Alcaldía proponlle á Xunta Veciñal que adopte, se procede, o seguinte ACORDO:

Aprobar o recoñecemento extraxudicial de créditos 3/2022 a efectuar ao abeiro do artigo 60.2 do R.D. 500/1990, de 20 de abril, para o abono das facturas que se integran na relación de xustificantes de gasto núm. 2022 05 e que se detallan nos anexos que se incorporan á presente proposta, por un importe total de 2.782,92 €, correspondentes ao exercicio 2021, tal e como se indica no seguinte cadro:

Facturas tramitadas no expte REC 3/2022		
Ano	Núm. Facturas	Importe total (€)
2021	3	2.782,92
TOTAL		2.782,92



Entidade Local Menor de Bembrive

*IVE incluído

TERCEIRO. - Aplicar, con cargo ao orzamento do exercicio 2022, os correspondentes créditos con cargo ás aplicacións presupostarias indicadas na columna do listado que se achega.

Non obstante, a Xunta Veciñal acordará o que estime pertinente.

Anexo Lista de xustificantes de gasto:

NÚMERO RELACIÓN:		2022 00000005						
JUSTIFICANTE	JUS. EXTERNO	FECHA	PROVEEDOR		IVA	ESTADO	IMPORTE	
2021 66000332	5124	31/12/2021	36076033G	CARIDE PASCUAL, ISIDRO	N	Rel.Provi.	2.452,67	
TEXTO: S/FRA. 5124 FECHA 31/12/2021, fabric. e coloc. reixas e tapas metal en varios lugares de Bembrive, repar. porta e fiestra muiño Pedrosa e outros.								
Observaciones								
LINEA: 001		APLICACION:		153	210		2.452,67	
2021 66000233	FT-2122-002105	21/09/2021	A28659423	NORTHGATE ESPANA RENTING FLEXIBLE,S.A.U.	N	Rel.Provi.	84,92	
TEXTO: S/FRA. 2122-002105 FECHA 2021-09-21 Servicio mantem aceite y filtro s/ ppto 3597 Matric 2588JYY								
Observaciones								
LINEA: 001		APLICACION:		163	214		84,92	
2022 66000090	2175	15/12/2021	B36835445	LUIS ALONSO ROTULISTA, S.L.	N	Rel.Provi.	245,33	
TEXTO: S/FRA. NUM. 2175 FECHA 15/12/2021, submin. 1 placa alupanel e 1 placa metacrilato Mazá de ouro á ACD Xestas								
Observaciones								
LINEA: 001		APLICACION:		334	221		245,33	
TOTAL SIN CONSIG.		0,00	TOTAL APLIC.:	2.782,92	TOTAL DTOS.:	0,00	TOTAL IVA:	0,00
							IMPORTE TOTAL:	2.782,92

.....
Memoria da Alcaldía do 01.04.2022:

*“Asunto: Expte Recoñecemento Extraxudicial de créditos núm. 3/2022.
Relación de Xustificantes de gasto núm.: 2022 5.
Núm, Xustificantes de gasto: 3
Importe íntegro: 2.782,92 €.*

ANTECEDENTES DE FEITO:

Visto a presentación de varias facturas correspondentes ao exercicio anterior (2021) para o seu pago nesta Entidade.

Algunhas das citadas facturas foron presentadas no rexistro desta Entidade a finais do 2021 e outras neste exercicio 2022, o que imposibilitou a súa tramitación no exercicio no que se executou o gasto. Noutros casos non existía consignación orzamentaria suficiente.

Por este motivo, resulta necesario a incoación do pertinente expediente.

CONCLUSIÓN:

Polos motivos anteriores citados esta Alcaldía pedanía considera oportuno a tramitación das referidas facturas incluídas na relación de xustificantes de gasto 2022/05 nun expediente de recoñecemento extraxudicial de crédito para o seu posterior pago.

O expediente de recoñecemento extraxudicial deriva da posibilidade que teñen as entidades locais para proceder a recoñecer aquelas obrigas económicas que, aínda



Entidade Local Menor de Bembrive

incumprindo a norma de non ter consignación orzamentaria, de non seguir o procedemento de adxudicación correspondente, ou de corresponder a exercicios anteriores, derivan de prestacións de servizos, execución de obras ou entrega de materiais que efectivamente se realizasen, evitando así a necesidade de iniciar accións xudiciais correspondentes por parte dos provedores que serían estimadas en base a citada teoría do enriquecemento inxusto.

En consecuencia e ante a necesidade de regularizar de modo definitivo as débedas coas referidas empresas, con motivo de ser gastos realizados de servizos anteriores que resulta preciso e obligatorio atender para evitar o prexuízo dos terceiros contratantes coa administración e o correlativo enriquecemento inxusto o sen causa desta.”

.....

Pola Secretaría Intervención emitíuse o 04.04.2022 informe cuxas conclusións son:

“Primeira. – As prestacións amparadas nas facturas incluídas no presente expediente foron obxecto dunha contratación irregular, na medida en que foron adquiridas sen control previo por parte da Intervención desta Entidade e, polo tanto, sen contar con crédito orzamentario no momento de realizar o encargo da prestación correspondente e con unha ausencia total do procedemento, o que supón, conforme ao disposto na normativa sobre contratación, a nulidade absoluta ou de pleno dereito da relación comercial entre a Entidade Local Menor de Bembrive e as persoas ou entidades prestadoras dos servizos de referencia, sen prexuízo das responsabilidades que puidesen derivarse das citadas actuacións.

Como consecuencia de todo o anterior, procede fiscalizar desfavorablemente e formular reparo suspensivo aos gastos incluídos na relación de facturas 2022/05 para o recoñecemento extraxudicial núm. 3/2022, conforme ao disposto nos artigos 216.2 a) e c) do Texto Refundido da Lei Reguladora de Facendas Locais, por insuficiencia de crédito e omisión no expediente de requisitos ou trámites esenciais, que dan lugar a nulidade do acto administrativo, en virtude do artigo 39, apartados 1 e 2, da LCSP que remite ao art. 47 da Lei 39/2015 (LPACAP), por carecer de crédito orzamentario e prescindir total e absolutamente do procedemento legalmente establecido, como consecuencia de non haber tramitado o correspondente procedemento previsto na LCSP 9/2017 que se esixe para a tramitación administrativa que exceda dos importes e requisitos do contrato menor para garantir os requisitos de publicidade e os relativos ao procedemento de adxudicación que correspondan.

O citado reparo ten carácter suspensivo e deberá ser resolto pola Xunta Veciñal da ELM de Bembrive con carácter previo a aprobación das citadas facturas, de acordo co art. 217 do TRLRFL.

Segunda. - En virtude do principio xeral do dereito según o cal ninguén pode enriquecerse en detrimento de outro, nace unha obrigaón ex lege, e a Administración ha de restituir o enriquecemento. Por tanto, o expediente de recoñecemento extraxudicial de créditos previsto no artigo 60.2 do RD 500/1990, que ven a dar resposta á situación administrativa que nos ocupa, preséntase como un instrumento de gasto para facer efectiva a liquidación prevista no apartado 1 do artigo 42 da LCSP, que trae causa da resolución dun expediente de revisión de oficio e a súa finalidade é evitar o enriquecemento inxusto da Administración, sen prexuízo, no seu caso, da esixencia de responsabilidades.



Entidade Local Menor de Bembridge

A existencia do procedemento administrativo, neste caso de contratación e de execución orzamentaria, é una garantía de trato de igualdade aos provedores, e de eficiencia e transparencia na xestión pública do gasto, ademais dunha obriga legal.

Terceira. - Toda vez que o procedemento de recoñecemento extraxudicial de crédito supón imputar ao orzamento corrente gastos realizados sen contar coa consignación orzamentaria correspondente, a súa utilización debe aplicarse con carácter excepcional, correspondendo a competencia para a adopción do acordo á Xunta Veciñal da ELM de Bembridge.

Cuarta. - No expediente constan as facturas correspondentes, memoria do Alcalde-Pedáneo no que se expón brevemente as causas que impediron a tramitación das facturas conforme aos procedementos previstos na normativa de contratación, así como as dilixencias das mesmas incorporadas nas facturas que conforman o expediente na que expresa a conformidade coas prestacións realizadas que se describen nos respectivos documentos, en canto a calidade, cantidade e prezo.

Quinta. - Tendo en conta a situación descrita deben seguir adoptándose as medidas de xestión económica e orzamentarias precisas para evitar que se repita a circunstancia de ter facturas pendentes de aplicar, correspondentes a exercicios pechados para ser aprobadas no vindeiro ano. Así mesmo, deberán establecerse mecanismos de control do gasto no exercicio 2022 que garantan que este se execute previa comprobación da existencia de crédito axeitado e suficiente e da correcta realización das previsións de ingresos, xa que un dos principios esenciais da xestión do gasto público é o da preceptiva existencia de crédito con anterioridade á súa realización. As obrigacións da facenda local nacen aínda que non exista dotación orzamentaria agora ben, para que sexan esixibles e se proceda ao seu pago, en condicións normais, debe existir a correspondente consignación orzamentaria.

Neste mesmo orde de ideas e tendo en conta actual coxuntura socio-económica é preciso advertir que a Lei Orgánica 2/2012, de 27 de abril, de estabilidade orzamentaria e sustentabilidade financeira, no artigo 7.2 dispón que a xestión dos recursos públicos estará orientada pola eficacia, eficiencia, a economía e a calidade, a cuxo fin aplicaranse políticas de racionalización do gasto e de mellora da xestión do sector público.

Sexta. - Según os datos contidos na base de datos de contabilidade da Entidade, na actualidade existen por diversos motivos alleos a esta Intervención un elevado número de facturas de exercicios anteriores que se atopan pendentes de conformidade, tramitación, aprobación e posterior pago, e outras pagadas pendentes de aplicación ao orzamento.

Esta forma de actuar supón unha vulneración sistemática do disposto no artigo 187 do Real Decreto Legislativo 2/2004, do 5 de marzo, polo que se aproba o TRLRFL que establece a orde de prelación de pagos, de tal forma que á hora de realizar a expedición das ordes de pago, terán prioridade as obrigas contraídas nos exercicios anteriores que se atopan pendentes de pago e as que entraron con anterioridade no Rexistro desta Entidade, así como da LPAC 39/2015, que recollen a necesidade de tramitar os expedientes por riguroso orde cronolóxico de incoación dos mesmos, determinada, cando se trata de expedientes administrativos de gasto, pola data de presentación da factura no rexistro correspondente.



Entidade Local Menor de Bembrive

Sétima. - No orzamento vixente existe crédito adecuado e suficiente ao nivel de vinculación xurídica dos créditos establecido na Base 6ª de Execución dos orzamentos da Entidade Local Menor (Área de gasto / Capítulo) para facer fronte ás obrigas económicas derivadas das actuacións que motivan o presente expediente, sen prexuízo das repercusións orzamentarias que poden resultar desta imputación.

Oitava. - Unha vez sexa, de ser o caso, adoptado o acordo polo órgano competente, remitirase á Intervención, procedéndose nese momento a efectuar a toma de razón deste.

Novena. - O presente informe constará e formará parte do informe que sobre a liquidación do orzamento do presente exercicio debe emitir a Intervención en aplicación do artigo 191.3 do TRLRFL e incorporárase, adicionalmente, ao expediente que sobre a Conta Xeral debe formar e redactar esta Intervención en aplicación do artigo 212.2 da normativa anteriormente citada.”

.....

Non se producen intervencións.

ACORDO: Sométese o asunto a votación, resultando que por unanimidade dos membros presentes (da Alcaldía Pedanía e dos vocais, Sr. González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.

3. Proposta da Alcaldía-Pedanía de levantamento do reparo suspensivo para o pago de xuros por importe de 105.700,01 € en virtude do Decreto do 09.02.2022 do Xulgado Contencioso-Admvo 2 de Vigo na Execución definitiva 02/2022 no P.O. 256/2019, promovido por “EXCAVACIONES Y CONSTRUCCIONES MANUEL PÉREZ PORTELA, S.L.” (Sentenza do 22.03.2021 do TSXG contra sentenza 155/20 de 05.10.2020 do Xulgado Contencioso-Admvo. 2 de Vigo), expte 6/2019

Dase conta da proposta da Alcaldía Pedanía de 04.04.2022 co seguinte contido:

“En relación ao expediente de pagamento dos xuros derivados da execución definitiva núm. 02/2022 no P.O. 256/2019 promovido por “Excavaciones y Construcciones Manuel Pérez Portela, S.L.”, emítese proposta en base aos seguintes ANTECEDENTES DE FEITO

PRIMEIRO. – Que sendo firme a sentenza recaída nos autos referenciados, esta Entidade Local Menor de Bembrive foi requerida por Decreto de 9 de febreiro de 2022 a aboar á recorrente o pago de xuros legais, ascendendo a contía de 105.700,01 €.

SEGUNDO. - Con data 4 de abril de 2022 emitiuse informe por parte da secretaria-interventora, que obra no expediente interpoñendo reparo suspensivo por carecer de



Entidade Local Menor de Bembrive

consignación orzamentaria a nivel de vinculación xurídica (Área de gasto/ Capítulo) recollida na Base 6ª das de Execución do Orzamento.

LEXISLACIÓN APLICABLE

- Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais (TRLRFL).
- RD 424/2017 do 28 de abril, polo que se regula o réxime xurídico do control interno nas entidades do Sector Público Local (RD 424/2017).
- Lei 29/1998, do 13 de xullo, reguladora da Xurisdición Contencioso-administrativa (LXCA).

Por elo, visto o informe da secretaria-interventora de data 4 de abril de 2022 que obra no expediente, dispoño que pase este para o seu debate e aprobación na vindeira sesión da Xunta Veciñal que se celebre, coa seguinte:

PROPOSTA DE ACORDO

PRIMEIRO. – Levantar o reparo da Secretaria-Interventora.

SEGUNDO.- Levantar a suspensión da tramitación do expediente esixida polo artigo 216 do R.D. Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

TERCEIRO.- Facultar ao Alcalde para ordear o pago inmediato da citada cantidade con cargo á conta non orzamentaria de “Pagos pendentes de aplicación” (conta 40001 non presupostaria) en tanto non se dispoña do crédito no orzamento da Entidade e unha vez aprobada a modificación de crédito que proceda aplicar os pagos realizados ao Orzamento saldando a conta 555.

Non obstante, a Xunta Veciñal acordará o que estime pertinente.”

.....

Pola Secretaría Intervención emitiuse o 04.04.2022 informe cuxas conclusións son:

- Non existe crédito adecuado e suficiente a nivel de vinculación xurídica dos créditos (Área de Gasto / Capítulo) recollida na Base 6ª de execución dos Orzamentos da ELM de Bembrive, e se formula reparo por tal motivo e se advirte da improcedencia do seu pago con base nos argumentos descritos nos puntos dos antecedentes e fundamentos xurídicos sinalados.

O citado reparo ten carácter suspensivo e corresponde á Xunta Veciñal resolver a discrepancia de conformidade cos artigos 217.2 a) do TRLRFL e 15.2 a) do Real Decreto 424/2017, de 28 de abril, polo que se regula o réxime xurídico de control interno nas entidades do Sector Público Local.

- Os ordenadores de gastos e pagos serán persoalmente responsables de todo gasto que autoricen e de toda obrigación que recoñezan, liquiden ou paguen sen crédito suficiente, como ocorre neste caso.



Entidade Local Menor de Bembrive

- Estes gastos xerarán un incremento da necesidade de financiación aos efectos da Lei Orgánica 2/2012, do 27 de abril, de Estabilidade Orzamentaria e Sustentabilidade Financeira (LOEOSF).

Intervencións: Non se producen.

ACORDO: Sométese o asunto a votación, resultando que por unanimidade dos membros presentes (da Alcaldía Pedanía e dos vocais, Sr. González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.

4. Proposta da Alcaldía-Pedanía de levantamento de reparo suspensivo para o pago de xuros e indemnización por costes de cobro por importe de 2.078,94 € en virtude do Decreto do 11.02.2022 do Xulgado Contencioso-Admvo 1 de Vigo na Execución definitiva 36/2019 no P.O. 209/2019, promovido por “ACELEC INSTALACIONES ELÉCTRICAS, S.L.” expte 59/2019

Pola Alcaldía Pedanía dase conta da proposta de Alcaldía-Pedanía de data 04.04.2022, co seguinte contido literal:

“En relación ao expediente de pagamento dos xuros derivados da execución definitiva núm. 0036/2019 no P.O. 0209/2019 promovido por “Acelec Instalaciones Eléctricas, S.L.”, emítase proposta en base aos seguintes ANTECEDENTES DE FEITO

PRIMEIRO. – Que sendo firme a sentenza recaída nos autos referenciados, esta Entidade Local Menor de Bembrive foi requerida por Decreto de 11 de febreiro de 2021 a aboar á recorrente o pago de xuros legais, ascendendo a contía de 2.078,94 €.

SEGUNDO. - Con data 4 de abril de 2022 emitíuse informe por parte da secretaria-interventora, que obra no expediente interpoñendo reparo suspensivo por carecer de consignación orzamentaria a nivel de vinculación xurídica (Área de gasto/ Capítulo) recollida na Base 6ª das de Execución do Orzamento.

LEXISLACIÓN APLICABLE

- Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais (TRLRFL).
- RD 424/2017 do 28 de abril, polo que se regula o réxime xurídico do control interno nas entidades do Sector Público Local (RD 424/2017).
- Lei 29/1998, do 13 de xullo, reguladora da Xurisdición Contencioso-administrativa (LXCA).

Por elo, visto o informe da secretaria-interventora de data 4 de abril de 2022 que obra no expediente, dispoño que pase este para o seu debate e aprobación na vindeira sesión da Xunta Veciñal que se celebre, coa seguinte:

Acta da sesión extraordinaria da Xunta Veciñal núm. 3/2022, do 07.04.2022



Entidade Local Menor de Bembrive

PROPOSTA DE ACORDO

PRIMEIRO. – Levantar o reparo da Secretaria-Interventora.

SEGUNDO.- Levantar a suspensión da tramitación do expediente esixida polo artigo 216 do R.D. Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

TERCEIRO.- Facultar ao Alcalde para ordear o pago inmediato da citada cantidade con cargo á conta non orzamentaria de “Pagos pendentes de aplicación” (conta 40001 non presupostaria) en tanto non se dispoña do crédito no orzamento da Entidade e unha vez aprobada a modificación de crédito que proceda aplicar os pagos realizados ao Orzamento saldando a conta 555.

Non obstante, a Xunta Veciñal acordará o que estime pertinente.”

.....

Pola Secretaría Intervención emitiuse o 04.04.2022 informe cuxas conclusións son:

- Non existe crédito adecuado e suficiente a nivel de vinculación xurídica dos créditos (Área de Gasto / Capítulo) recollida na Base 6ª de execución dos Orzamentos da ELM de Bembrive, e se formula reparo por tal motivo e se advirte da improcedencia do seu pago con base nos argumentos descritos nos puntos dos antecedentes e fundamentos xurídicos sinalados.

O citado reparo ten carácter suspensivo e corresponde á Xunta Veciñal resolver a discrepancia de conformidade cos artigos 217.2 a) do TRLRFL e 15.2 a) do Real Decreto 424/2017, de 28 de abril, polo que se regula o réxime xurídico de control interno nas entidades do Sector Público Local.

- Os ordenadores de gastos e pagos serán persoalmente responsables de todo gasto que autoricen e de toda obligación que recoñezan, liquiden ou paguen sen crédito suficiente, como ocorre neste caso.

- Estes gastos xerarán un incremento da necesidade de financiación aos efectos da Lei Orgánica 2/2012, do 27 de abril, de Estabilidade Orzamentaria e Sustentabilidade Financeira (LOEOSF).

Intervencións: Non se producen.

ACORDO: Sométese o asunto a votación, resultando que por unanimidade dos membros presentes (da Alcaldía Pedanía e dos vocais, Sr. González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.



*Entidade Local Menor
de Bembrive*

E non tendo outros asuntos a tratar, a Presidencia levanta a sesión sendo as 20:25 h. do día indicado de todo o cal, como secretaria, dou fe.

Vº e pr. da Alcaldesa Pedánea, p.d.
(resolución do 03.03.2022)

Asdo. Patricia Otero Carrera



A Secretaria Interventora,

Asdo. Patricia Alvarellos Leis